

He Ngohe Aromatawai ā-Roto Mo ngā mahi whakamahere anake

Te Ingoa o te Ngohe: He kōrero tuku iho, he mātauranga hangarau tuku iho

Aronga: Hangarau 1.1B

Paerewa Paetae: Hangarau 1.1

Kaupae: 1

Whiwhinga: 4

He Tohutohu mā te Ākonga

I tēnei ngohe

Ka torohia tētahi kōrero tuku iho e whakatairanga ana i ētahi āhuatanga hangarau taketake ka tūhuratia ai.

Te horopaki

Ko tāu mahi he whiriwhiri i tētahi kōrero tuku iho me te tūhura i tētahi hangarau taketake i taua kōrero.

Me whakaatu ō mahi tūhura mā roto mai i tētahi o ngā putanga e rārangi mai nei (whiriwhiria tētahi):

1. He pūrākau
2. He whakakitenga momotu, he whakakitenga matihiko rānei
3. He titonga
4. He pūrongo (ā-tuhi/ā-tā/ā-ataata rānei)

Ka aromatawaingia ngā mōhiohio kua kohikohia e whakamārama ana i te hangarau taketake.

Ka pai tēnei ngohe mā te ākonga takitahi, mā te rōpū rānei. Mēnā ka mahi ā-rōpū, me āta whakarite e te rōpū ngā kawenga a tēnā, a tēnā.

Hei mahi

1. Whiriwhiria tētahi kōrero tuku iho mō te hangarau taketake i tētahi o ngā puna e whai ake nei:
 - iwi
 - hapū
 - rohe

- kura
 - whānau
 - hāpori
2. Tūhuratia te hangarau taketake.
 3. Whakaritea tō tukanga rangahau.
 4. Whakatauhia ngā pātai ārahi. Ki te taea, torohia ngā kaipupuri o ngā kōrero tuku iho. Ko te painga atu mehemea ka hopukina ngā kōrero ki te pūrere ataata, te pūrere hopu reo rānei. Me **mātua** tonu whakaaetanga i te/ngā kaikōrero i mua i te hopu.
 5. Whakatakotoria tētahi whakamāramatanga o te hangarau taketake.
 6. Whakaaturia ō hua rangahau mā roto mai i tētahi o ngā putanga e rārangi mai nei (whiriwhiria tētahi):
 - Te pūrākau
 - Te whakakitenga
 - Te titonga
 - Te pūrongo (ā-tuhi/ā-tā/ā-ataata rānei)
 7. Mauhangatia ō kohikohinga katoa hei taunaki i āu mahi.

Kei wareware, me āta whakarite e kōrua/koutou ko te kaiako te roa o te wā e tutuki pai ai ngā mahi katoa.

Kuputaka

kōpaki matihiko	digital portfolio
kōpaki tānga pepa	hard-copy portfolio
whaikiko	substantial